



Nuuk 23. oktober 2018

UKA2018/56

Jens Napätök, Partii Naleraq

Naalackersuinikkut sulinermit aningaasatigut tapiissuteqartarneq pillugu Inatsisartut inatsisaat allanngorteqqullugu Naalackersuisut peqquneqarnis-saanik Inatsisartut aalajangiiffigisassaattut siunnersuut, maannakkut periuseq imatut allanngortillugu, partiit Inatsisartuni sinniisuutitaqartut tunngaviumik 850.000 koruuninik tapiissummik pisalersillugit kiisalu kingullermik Inatsisartunut qinersinerup inernera tunngavigalugu taasinermit ataatsimut 200 koruuninik pisalersillugit. Attaviitsut taasinermit ataatsimut 200 koruuninik ukiumut tapiissutisalisarinnegassapput agguaqatigiisitsineq 1/31 atorlugu kiisalu taasinerit tamarmiusut tunngavigalugit. Allanngoneq atulersinneqassaaq ulloq 1. januaari 2019 aallarnerfigalugu.

(Inatsisartunut ilaasortaq Randi Vestergaard Evaldsen, Demokraatit)

Inatsisartuni ilaasortap Randi Vestergaard Evaldsen, Demokrattit Inatsisartut aalajangiiffigisassaattut siunnersuutaanut Partii Naleqqamiit siunnersuuteqartoq qujaffigerusupparput.

Naalackersuinikkut sulinermit partiinullu aningaasatigut tapiissuteqartarnerit eqqartorneqarlutillu nalimmassarneqartarsimaqaat ukiut ingerlanerini. Maannakkullu aamma siunnersuut una aqqutigalugu nalilersuinissaq qaqqinneqaqqilluni.

Partii Naleqqami nalilersuinitinni qitiulluinnartussatut oqaatigerusutarput tassaavoq innuttaasunut nunap inuinit politikikkut kiffartuussinikkut suna pitsaanerpaajussanersoq nalilersuinitinni pingaarnerpaatut isiginiarsimagatsigu.

Inatsisartuni Naalackersuinikkut innuttaasunut kiffartuussiniarnermi Landskarsi ukiumut aningaasartuutigisartagai partiit Inatsisartuni sinniisuutitaqartut tamarmik 14.475.000 koruunit tunngaviumik tapiissuteqarfigineqartarnerat naammaginarpat imaluunniit annertuallaarpat, nalilersuinitinni toqqammaviuminnaalluartut ilagaat, sipaarfigineqarnissai pissusissamisoorpa piviusorsiorpa, innuttaasunut kiffartuussinitsinnut pitsaassutsimut naapertuuppat?

Partiit saqqummiussagut allaganngorlugit Inatsisartuni ingerlasarput aammalu nutserneqartussaallutik tamarmik, nutsertussaananerullu aningaasarpasuit atuinnaaragit piffissarujussuaq atortarparput, tamatumalu saniatigut innuttaasut tikillugit sulinissatsinnut tapiissutit atortartussaallutigit.

Taamaammatt Inatsisartuni sulinitsinni tapiissutit tunniunneqartartut partiinut siammassiumik innuttaasunut pitsaanerpaamik sullissinissarput tunaartaralugu aqqissuunniarneqarsimapput nakkutigisaalluartumik ingerlanneqartunik.

Taamatut taperneqartarnermi tunngaviumik tapiisarneq 850.000 koruunit sanitigut 275.000 koruuninik ilaasortaataq ataaseq partiinut tapiissutigineqartarpoq.



partii naleraq

275.000 koruunit partiimut allamut nuukkaanni ilanngullugit nuuginnarneqartarneri siunnersuummi apeqqusersorneqartut ilaatigut apeqqusersorneqartut isumaqataaffigigatsigu oqaatigissavarput.

Partiimiit partiimut qinersiviup iluani nuuttartut partiimut nuuffigisamut iluanaarutaassaarnissaat Partii Naleqqamiit pitsaasutut isigalutigu tapersorsorparput.

Tunngaviusumik tapeeriaaseq nutaap eqqunneqarnissaanut Demokraatiniit siunnersuutigineqartoq Partii Naleqqamut sunniuteqartussaangilaq, kisiannili Partiinut anginernut annertoorejussuarmik sunniuteqartussaavoq, Siumut 1.259.200 koruunit annaasussaassuai akuerineqassagaluarpat taamatullu Inuit Ataqtigiit 705.000 koruunit annaasussaallugit.

Partiit anginerit taama annertutigisumik annaasaqarnissaat innuttaasunut kiffartuussiniarnitsinni sunniuteqapilussannginersut nalilersorluartariaqarluinnartoq Partii Naleqqamiit isumaqarpugut.

Aningaasammi tapiutigineqartut innuttaasut tikillugit kiffartuussinissatsinni atortussaapput, soorlu paasisassarsiorluni angalanerni atorneqartarneri allallu sunniutigisinnaasai ilanngullugit isumaqarpugut nalilersorluagassaasut.

Demokratiimi ingerlatsinitsinni ajuusaarnarpoq Naalakkersuisut akissutaat taama annikitsigisinnaammat isumaqaraluarpugummi siunnersuummi pitsaaqutigisinnaasai pitsaaqutitaqassappata taakkartorsimasariaqaralarai, taamatullu aamma suut taamatut iliortoqassappat ajortortalugu sunniutipiluutigisinnaassaneraai nalilersornerusimasinnaagaluarpaat, Naalakkersuisut demokratiimi ingerlatsinermi illersuisuullutik aliangiinissamut toqqammavissamik pitsaasumik siunnersuuteqartussaasut isumaqaratta.

Siunnersuut taamatut isikkoqartillugu eqqarsarnartoqartillugu imarisaata ilaa tapersorsornartatikkaluarlutigu tamakkiisumik ilalernartinnagu taamatut oqaaseqarfigaarput.